

اعتصام

اعتصام خادم اولور دینزه، شرع مبینہ ﴿اعتصام اتمہ بن بویلہ کوزل جبل حنینہ﴾
 «ادیب عینتابی»

۳ نیسان
 ۱۳۳۵ سنه

{ منافع عامہ بہ خادم مجموعہ اسلامیہ در }

۲ رجب
 ۱۳۳۷ سنه

احمد شیرانی

بر جرأت جاہلانہ و بر رجعت مستفقرانہ

ادیب عینتابی

«لوی بوختر» ک مادہ و قوت نظریہ سنی رد...

طاهر المولوی

مشرکک و مسلمان بقده عبادات

مصطفیٰ عاصم

بر مسئلہ شرعیہ مناسبیت

علی رضا

ملٹر لایق اولدقلری حکومتلره صاحب اولورلر

عبدالرحمن سری

بر افول

بکپازاری اشرفنک مقام مشیختہ تشکراتی

فیثانی (۵) غروشددر

محل اداره : فاتح - اعتصام

بر مسئله شرعی مناسبیت

« هفته‌ای غزته سنک ۱۳ شباط ۳۳۵ تاریخلی نسخه سنک » تدقیقات و تبعات « ستوننده » شرق متفکر لرنده فکر و انسانیت « سرلوحه‌لی مقاله ده شریعت غرانک سالکیفی نه رتبه کسب و تجارتی ترغیب و تشویق اتمکده اولندیغی تذکیرایدن محرر محترم بر فقرده بیوریورلرکه [تحلی محال اوزون کونلرده طاقتفرسا صیجاقلرده کندینک و اهل و عیالینک جمعیت بشریه ایجاباتیه، قانون طبیعت سوبله قوت یومیسنی قوت لایموتی استحصال ایله اوغراشانلر « البت » اوروجدن معافدرلر]

سوزلرینک سیاق و سباقندن بر درجه اقتدار علمی اولدینی اکلایشیلان موسی - الیهک معافیتله مرادی عجبا معذرت مشروعه به بنساء ایام رمضانده افطار ایدنلره قضاده لازم کلز دیمکیمیدر. ؛ بونی دیمک ایستلر و اعتقادلری ده « العیاذ بالله » بو مرکزده ایسه تجدید ایمان و تصحیح اعتقاد بیورسونلر چونکه بوسوزلری نصوص قاطعه قرآنییه و ادله شرعییه انکاردر .

مقصودلری شیخ فانی ایسه — که قوت یومیسنی استحصال ایله اوغراشانلر سوزی قرینه مانعدر — شیخ فانی ده اوروجدن معاف دکلدر، بلکه فدیة صوم ایله مکلفدر خلاصه عاقل بالغ اولان کیمسه هیچ برزمان، هیچ بر صورتله اوروجدن معاف اوله‌ماز، غایت مافی الباب رخصت شرعییه موجب معذرتی ظهور ایدرسه « فمده... » نظم جلیلی مفادینجه بعده قضا اتمک اوزره افطار ایده‌بایر. جمله مسلمانلر ایله برابر بزم بیسلیدیکمز و اعتقاد ایتدیکمز حکم شرعی بو مرکزده در . محرر موسی الیهک ده معافیتله مرادی بو خلاصه ایسه و اعتقادی بو مرکزده ایسه — که بز حسب الاخوه بو مرکزده اولمسنی قویا ظن و ارزو ایدرز — بو معنایی افاده ایده‌جک تعبیر استعمال بیورسونلر؛ چونکه معافیت لفظندن بویله بر معنایه انتقال جمودعیندن سروره انتقال قدر مشکدر .

برده صاحب مقاله دن شونی رجا ایده‌جک که مقاله لرنده آیات و احادیثی تماما یازمسونلر، بامالاً یا خود برایی کله ایله اشارت بیورسونلر چونکه احتمال قارنلرنده

تعظیم و حرمتند قسورلر ایدنلرده اوله بیلیر ، شونی ده علاوه ایتمک ایسترم که حکومتجه وضع اولنان سانسورده بوجه تلمری نظر اعتباردن دور طوتماملیدر . موط قانیسی

مصطفی عاصم

ملتلر لائق اولدقلری حکومتلره صاحب اولورلر

— مابعد —

اوزاغه کیمکه حاجت یوق . شو استانبولده کوردیکمز برطاقم حالات و مناظر واردر که بزه حکومتک ، ملتک احوال روحیه سنده کی ، سویه مدنییه و لیاقت اداریه سنه کوره تشکل ایده جکئی کویستر . مثلاً : بزم حکومتک بک اوغلی طرفی ایله استانبول سمعی اوزرنده کی نقساط نظری دائما آیریدر . بک اوغلنده یاپیلان اما کن امیرییه استانبول طرفنده یاپیلانلردن بشقه در ، او طرفده کی بنالر ، محیطک حال و شانیه کوره منتظم بر صورتده انشا ایدیلدیکی حالده استانبولک چهارشنبه ، ادرنه قاپو و سائر جوارنده اولان بر پولیس قره غولخانه سی باراقدن بشقه بر شی دکلدر . چونکه محیط بویله ایجاب ایدیور ، بک اوغلنده کی پولیس قره غولای ادرنه قاپو سمتنه کتیرمش اولساق هیچ یاقیشمایان برایش کورمش اولورز . مبانی دخی محیطک مناسبتیه ، قابلیت و لیاقتنه تابعدر ! ...

بک اوغلنده کی ضابطه مأمورلریک طورلری ، وضعلری ، طرزلری یدی قله مأمورلردن فرقلیدر . حکومت بو شاقه دریاسنه لایق مأمورلری سچمش اورایه ویرمشدر . بری طرف نصل اولسه اوله بیلیر ، عناصر سائره دن محجوب اولسونده مسلمان اهالی نصل اولورسه اولسون نظریه سی حکومتجه اک ضرعی بر دوستور حکمنده در ! ...